

Fasnachtsgesellschaft Alti Stainlemer 1912



Es isch jo eigentlich scho nit eso, dass es äim im in dr Vorfasnachtszyt irgendwie bsunders langwiilig wär. Zum Zyt spaare, fang ich sogar s Vorwort mit de gliiche Wörter aa wie in dr letschte Ussgoob. Aber jo, nochedäm d Wiehnachts-/Neujoorsaggdividäte abgeschlosse sinn, goht s jo mit dr ganze Vorbereitig rund um d Fasnacht wytter. Schaffe im Käller, Drummeliiebige, Stellprobe, Ufdritt, Calvados usswändig iebe, Ussreed für d Marschiebig sueche, etc., etc.! Denn schriebe eim dr Redaggder au no völlig unvorbereitet 2 Wuche vor em Redaggtionsschluss, ass ebbe sälle nöcherruggt und me doch bitte d Bydrääg für e Stainlemer 203 langsam aber sicher soll fertig mache und ihm zueschigge! Was meint denn dä eigentlich? Me hett jo sunscht scho nüt z due, he! Denn muess ich jetzt ächt scho wieder parat sii mit mim Bricht für e Stainlemer? Wieso kunnt eigentlich scho wieder eine? Isch doch gar nüt meh passiert in der letschte Monet! Isch däm eigentlich langwiilig? Klar, jetzt macht är ändlich emoll öbbis für die Clique, aber soll my doch in Rueh lo mit sym Redaggtionsschluss!

Dä bitz übertriebeni Abschnitt oobedraa; ich weiss nit, ob är sich so zuedreit het. Anderi wurde vo alternative Faggde rede. Uf jede Fall isch es zum Teil e bitz länger gange mit de Bricht, dorum isch dr Stainlemer 203 liicht verspöötet, aber immer no VOR dr Fasnacht, bi euch im Briefkaschte!

Ich wünsch vyy! Spass bim läse vom Stainlemer 203, eure Redaggder.

Obwohl s Datum scho vor eme Jahr bekannt gä worden isch, hänn divärsi Wiehnachtsässe villne Dartspiiler d Teilnahm verunmöglichgt. Trotdäm sinn 14 Stainlemer am 16. Dezämber im Aubärg-Palace zämmeko, zum ihri Dräffsicherheit unter Bewyys z stelle. Es sinn das dr Andi „THE ACE“ Fünfschilling, Dominik „HOT SHOT“ Baier, Thomas „THE INCORPORABLE“ Schmid, Markus „THE CROWN“ König, Raphi „BULLSEYE SULZ“ Sulzer, Niggi „THE BLIND HEN“ Chiaradia, Ben „THE V-MAN“ Veyre, Philippe „THE KILL“ Veyre, Tobi „DART VADER“ Forrer, Steve „THE THAJMAJOR-MACHINE“ Isler, Remo „RUBBERTHUMB“ Vecchi, Francis „HIGHFLYER“ Horni, Patrick „MARY JANE“ Leber und Stefan „THE SNIPER“ Winteregg gsi.

D Vorrundi isch in zwei Gruppe à 7 Lüt ussdreit worde. Gspiilt hämmer jewyls eimoll „501“ (im Dart seit me däm e „Leg“) im Single-Out-Modus (was bedütet, as me eifach irgendwie vo 501 genau uff Null abespiile muess). Leider sinn mr nid ganz vor em Drummlen und Pfyffe fertig worde. D Spannig isch also hoch bliibe und dr Biermärt isch spüürbar yybroche ;-). D Dyfferänzpünggt bi villne Mätsch sinn rächt gring gsi, einigi Närke und Schweissdropfe hets alwä koschtet.

Für d Finalrundi hänn sich die 4 Beschte pro Gruppe qualifiziert. Dört ischs denn wie gwohnt im K.O.-System wyttergange. 4 vo de 8 Finalischte sinn das Jahr s erscht Moll drby gsi, Schappo! Thomi-Läber, Francis-Niggi, Dominik-Remo und Winti-Steve sinn sich im Viertelfinal gegenüber gstande. In däne Partie het me denn scho miesse 2 Legs gwünne, es isch nüt me im Zuefall überloo worde. „THE INCORPORABLE“, „THE BLIND HEN“, „HOT SHOT“ und „THE SNIPER“ hänn butzt. Die beide Letschtgnannte sinn vor eme Joor d Finalischte gsi, 2016 ischs im Halbfinal um d Wurscht gange und klar isch gsi, as es e neue Final wird gä. Dr Niggi het sy Beschts gä, aber gegen e Thomi hets nid glänggt.

Au dr Dominik het sich miesse gschlage gä und so simmer öppen um Mitternacht zum letschte Spiil, „THE INCORPORABLE“ gege „THE SNIPER“ ko. Mr hänn uff 3 Legs gspiilt. D Zigarettli vom Thomi sinn zwenig stargg gsi zum nomoll Drugg uffzbaue, d Pfyyl vom „SNIPER“ hänn ihr Zyyl gfunde. Dr Titel blybt vorderhand bi ihm.

Für e „Onehundredandeighty“ hets zwei moll knapp nid glänggt, an divärse Boards sinn aber mehrfach 120 Pünggt und mehr ussgruefe worde. E klaari Aasaag an die, wo gfählt hänn oder no vor hänn mitzmache. Für s Training hänn dr nüm e ganzes Johr Zyt, d Staine-Dart-Open 2017 wärde sicher nüm im Dezämber sy.

Y bedangg my für s Mitmache und die tolli Stimmig. D Spiilfreud und e gsundi Portion Ehrgyz sinn spüürbar gsi. Schön wärs, wenn dä Fungge au wider uff anderi Cliqueberyych, nid zletscht sDrummlen und Pfyffe überspringt.

Dr PSDC-Präsident



Besammlig: Samschdig, 4.3.2017, 14:50 Uhr


Ort: Generationenhaus, Holeestrooss 119, Basel

Uffdrift: Nr. 1 ca. 15:05 Uhr

Nr. 2 (nach em z Vieri) ca. 16:20 Uhr

Goschdüm: Charivari

S Generazionehuus findsch do
(Hinterygang via Dorebachstross übers Brüggl):





WALO ISLER AG

Sanitäre Anlagen und Spenglerei

4057 Basel, Claramattweg 9

4125 Riehen, Rauracherstr. 33

Telefon 061 691 11 66

www.walo-isler.ch

info@walo-isler.ch

Power Electronics us dr Staine

z.B. für Windkraftanlagen, Prüfeinrichtungen und
Spannungsversorungen

Vivatec GmbH, Steinenbachgässlein 25, 4051 Basel

www.vivatex.ch

Geschäftsleitung: Ralph Niederer

The Power Electronics & Automation Company

**Metallbau, Stahlbau, Briefkästen,
Bauschlosserei, Glasbauten,
Einbruchschutz und Reparaturen.**

Fünfschilling AG

Hauptstrasse 20 | 4102 Binningen | 061 426 91 41 | www.fuenfschilling.ch

Horni Drummle



**Horni
Blechtechnik AG**

Bannstrasse 1
4124 Schönenbuch
061 / 481 32 22
info@horni-blechtechnik.ch



gottlieb

FACILITY SERVICES

Gottlieb AG | Auf dem Wolf 11 | CH-4052 Basel
Telefon 061 689 91 91 | Telefax 061 689 91 92
www.gottlieb.ch | info@gottlieb.ch
Standorte in BS, BL, SO und AG

D'Sicherheit vo unserem Schiss- Dräggzügli stooht an erschter Stell!!

Marschiebig: Fryddig, 3. März

Mer dräffen ys am säggsi Zoobe im Restaurant Rähhuus.

Präzis am halber sibeni isch Abmarsch in Richtig Erasmusplatz, wo dr Halt bim Restaurant didi:offensiv (schalala) isch. Mer sterggen ys mit Frikadelle, Bräzel und / oder Kääsküechli. Zudäm gits au dert sicher gnueg Bier. Nachem Zwipf marschiere mer denn wider zrug zum Rähhuus.

Uffdritt im Generazionehuus: Samschdig, 4. März

Holleestrooss 119, Basel, Besammlig: 14:50 Uhr

Uffdritt Nr. 1: ca. 15:05, Uffdritt Nr. 2 (noch em z Vieri): ca. 16:20

Goschdym: Charivari

Ladäärne-Vernissage: Sunndig, 5. März

Ab de fimfi dräffen mer ys im Hof vom scheene Huus am Noodlebärg 6. Abmarsch mit de verhüllte Ladäärne und mit Piccologläng isch am viertel ab säggsi. Mer laufe denn zem Cliquekäller vom Stamm, wo mer dernoo e Schlummerbächer (oder zwai, drey...) nämme. Fyr s Wohl sorgt unsere Kellerchef.

Morgestraich: Mändig, 6. März

Mer dräffen ys im „Brune Mutz“ ab de drey ze Wäije und Mählsuppe. Denn stehn mer am viertel vor Vieri in dr Staine-Vorstadt y.

“Wenn am Vieri d Elsbethe....” **Marschraaiefolg: 2x Morgestraich, die Alte, Arabi, Ryslaifer.** Mr laufe mit de Junge und de Alte vors Drey Keenig. Kurz noo de fimfi marschier dr Stamm wieter und wird den am achti vorem Brune Mutz e Halt mache. Dert gits e glaini Verpflegig und wytyer goots.... Bis in spoote Moorgen yyne gniesse mer die lääre Gasse in dr Innestadt.

Mändig Noomidaag: Dräffunggt, Viertel ab ains vor em Casino.

Abmarsch pingtligg am halber zwai uff dr innere Route (d Binggis und die Jungi Garde laufe scho am viertel ab ains ab!).

Zwüsche viertelvor und viertelab ains wird unsere Cliquekäller offe sy. Iir könnet in dr Pfyfferstuben Eyri Instrumänte deponiere.

Mändig z Oobe: Mer geen ys wieder im „**Restaurant Rialto**“ go stärgge. Noon em Ässe laufe mer alli am halber nyini in dr Staine- Vorstadt ab und geeen go gässle. Zwischeduure stelle mer d Ladäärne uff e Minschterblatz.

Zyschdig z Oobe: Zyschdig, 7. März

Noon em ene erlänissryche Noomidaag geen mer gmainsam wider uff d Route. Mer stehn **am 9i in dr Staine-Vorstadt** (ca. uf höchi Bücheli) y. Im Glaibasel dräffe mer ys ebbe am halber elfi mit dr Alte Garde vor em Caffi Spitz. Mer mache mit ihne ab de elfi zwai Umgäng und wärde au in e baar glungene Baize e Halt mache.

Mittwuch Noomidaag: Mittwuch, 8. März

Dräffunggt isch am viertel ab ains vor em Theater. Am **halber zwai** bewege mer ys uff dr issere Route richtig Comité. Au am Mittwuch zwüsche viertelvor und viertelab wird unsere Cliquekäller wyder fyr Eyri Instrumänt offe sy. Nachem Umzug dräffen mer ys speetstens am halber säggsi im „**Restaurant Rialto**“ zum **Nachtässe!**

Mittwuch z Oobe: Noon em Nachtässe im Rialto laufe mer pinggtlig am halber nyini in dr Staine-Vorstadt mit unsere Junge und den Alte vors Drey Keenig.

Wie all Joor, mache mer au das Joor e **Göttihalt**.

Mer laufe am **halber zääni** (nachem „Stainetotal- Umgang“) mit unserer **Junge Garde!** Bim aaschliessende Halt am Noodlebärg gehn mer traditionell mit de Buebe ain go zie. Ebbe am elfi kemme mer wider uff e Barfi und entleen doo unseri Göttibuebe.

Ändstraich: am vieri dien mer ys denn vo unserer Ladäärne verabschide und gehn alli zämme zem Abschluss in Brune Mutz.
Es erwartet uns dert VIEL BIER und mer wüsse au bereits, wo mer dörfe sitze!! (dämfall göön mir doch nit in Mutz? Dr Redaggtter...)

Uffruume: Fryddig, 10. März

Ab de fimfi z Oobe diem mer unsere Käller wider uff Vordermaa bringe, s isch jeede Stainlemer derby und hilft mit!

Bummelsunndig: Sunndig, 19. März

Details kemme no dr Fasnacht.... Dänggi!

Lämpesitzig Stamm: Fryddig, 24. März

Also ächt, wenn euch öbbis nit passt het oder generell närvt: d Lämpesitzig wär scho no e gueti Plattform, zum so Sache aazspräche. Notürlig dörf me au positivi Meinige übermittle. Wichtig isch halt eifach, ass me derbii isch an so Sitzige!! Dr Redaggtter...

Was hämmer no?! Ahh hejo...:

Marschordnig: so, dass Eure Major NIE muess Schiss ha!!

(Uff)stellig: dito Marschordnig!!



E Wunsch vom Zugschef:

S isch en Eeresach, ass e jeede pinggtlig ystoht.

Fasnächtliche Griess

Dr Major

Kategorie: ich wäre gerne ein berühmtes Gemälde:



Kategorie: Menschen die ihre Umgebung tragen:



Pulli und Vorhang aluege!
Checksch? He?? Checksch?

- năi
- ächt jetzt?
- interessier my nit für Mode
- interessier my nit für Vorhäng
- gar nit luschtig
- bringet doch besseri Witz năggscht Moll
- ok



EBM GRÜN

Für noch mehr
Umweltbewusstsein und
100% Strom aus der Region:
EBM GRÜN ist der Strom der
Zukunft und besteht zu
80% aus Kleinwasserkraft
und zu 20% aus Sonne.

Bestellen Sie unter:
www.ebm.ch



VERTRAUT MIT ENERGIE. SEIT 1897

balfina
treuhand vermögen

Ihre Experten für Treuhand-Dienstleistungen und Vermögensverwaltung

- Buchführung und Abschlussberatung
- Steuerberatung
- Saläradministration
- Vermögensverwaltung
- Wirtschaftsprüfung

Balfina AG

Lange Gasse 90, 4052 Basel
Tel. 061/205 49 41



Roger Leisinger
Partner

Party und Grillservice Hausgemachte Wurstwaren

Dorfplatz 8
4123 Allschwil

Tel. 061 481 05 30
Fax 061 481 05 35



Fusspflege in Witterswil



Als Diplomierte Fusspflegerin
behandle ich Sie gerne bei mir
zu Hause, mache aber auch
Hausbesuche.

Mitglied vom SFPV

Regina Gutknecht

Oberdorf 2, 4108 Witterswil Tel: 079 363 84 09



Dr Jung Stainlemer

Alli Junge, Interessiert, Fans



Dr Jung Stainlemer

«d Zytig in dr Zytig»



**Infos und News über die
Junge vo de Alte Stainlemer**

**In jedere Ussgoob vom
«dr Stainlemer»**



Dr Jung Stainlemer hat das Profilbild geändert



Internes Preistrommeln und Preispfeifen 2017

Am 22. Januar fand im Pfarreihaus Heiligkreuz in Binningen das Interne der Jungen der Alten Stainlemer statt.

Am gewohnt stimmungsvollen Anlass gewannen die folgenden Jungs die Konkurrenzen:



bei den **Binggis**:
Pfeiferkönig Luca Canziani
Trommelkönig Chigozie Okolo

bei den **Jungen**:
Pfeiferkönig Orell Bayer
Trommelkönig Gian Panosetti



Wir gratulieren den Gewinnern herzlich und gratulieren allen Teilnehmern zu den gezeigten Leistungen.



Bunter Abend – die jungen Tambouren gewinnen die Kür

Im Anschluss an das Essen fand der traditionelle bunte Abend statt, bei dem die Lustdrepfli einmal mehr versuchten den Fäärläberli den Rang als brillante Humoristen und Unterhalter streitig zu machen. Dies zum ersten Mal auch mit einer Fehde, welche für die Herausforderer ordentlich den Bach runtertröpfelte. Denn es fehlt den Drepfli nicht nur an Gewicht und Bekanntschaft über die Altgardisten. Die Lustdrepfli scheinen zwar grosse Mäuler zu haben, aber immer noch zu kleine um Marchmallows in eben diesen zu versorgen und dann noch den Arabi anzustimmen. Da helfen weder unnützes Wissen über Galaxien und Todestage geschichtsträchtiger Personen, noch fehlende Finger zur Kompensation dieser Defizite. Souveräner 3:2 Sieg für die Läberli in der Fehde und verdienter Preis. Das Lustläberli geht an die sympathischste (☺) Dienstagsgruppe im Stammverein; wenigstens ein Preis für die erfolgsverwöhnten Fäärläberli. Denn zum Preis in der Kür des bunten Abends reichte es nicht.

Ein klarer Sieger

Den Sieg holten sich die Tambouren der jungen Garde, welche unter der Leitung von Andi Hunzinger eine tolle Darbietung „by night“ zeigten, den lautesten Publikumsapplaus holten und die Kür für sich entschieden. Eindrücklich!



Szene vom Auftritt

Danke!

Neben den vielen kreativen Beiträgen für die Kür gilt ein grosses Dankeschön den vielen Fleissigen, welche diesen Anlass ermöglichten. In erster Linie Severin Lüthi für die Organisation der Küche, Peter Hasenböhler als Helfer hinter den Kulissen, dem Moderator des Abends, den Juroren und allen weitere Beteiligten im Vorstand der Jungen!

Wir freuen uns bereits auf das nächste Interne!

Schön isch es gsi!

Fötteli vom ganze Oobe findsch uf dr Homepage vo uns junge Stainlemer.



Ein paar traurige Luschtdrepfli



erstellt 2012 in Adligenswil LU

Wir planen,
bauen,
verwalten und
verkaufen Immobilien!

immo-bau
management GmbH

immo-bau
management GmbH

immo-baumanagement GmbH
parkstrasse 36 4102 binningen
tel. 061 421 24 24 fax 061 421 12 18
info@immo-baumanagement.ch
www.immo-baumanagement.ch

**Für Bewährtes und Innovatives
in Blech und Rohr**



Persönlich & Leistungsstark

Für den Bau

Türabschlüsse, Wintergärten, Vordächer, Geländer,
allgemeine Schlosserarbeiten.

Für die Industrie und den Bau

Blech- und Rohrbearbeitung, Laserbearbeitung.
Entwicklung und Bau von Prototypen,
Serienanfertigung, Schnellservice.

Eigenprodukt: Klapptischfüsse

Seit 55 Jahren in härtestem
Gebrauch, auch im Keller
des Stammvereins.



LYN-TEC AG
Zur Klostermühle
CH-8840 Einsiedeln
Tel. 055 418 40 20
www.lyn-tec.ch

1. Marschiebig vom Hornig 2017



Fir aimool het dr Chronischt nid kenne an dr Marschiebig in dr Langen Erle mitmache und muess sich drum uff d Schilderige vomene Dailnäamer verloo. Dä het brichtet, ass die Marschiebig im gwoonte Raame stattgfunde hett,

das haisst me het sich im Begegniszentrum in Rieche zem Kaffi droffe, bevor me denn am Ysweier abmarschiert isch und unterwägs e Zwischehalt zem dr Durscht leschen yglegt het. Denn isch es Richtig Spittelmattwäg wytergange, wo wie gwoont in der «Auberge de Nicole» wider feyne Händöpfelsalat und Fleischkääs und zem Dessert e Caramelkepfli serviert worden isch.

Well s unserer Kasse schynts so guet goot, isch d Verpflägg daasmool ussnaamswys vom Dag zaalt worde. Die glungeni Marschiebig isch denn wider mit eme Lottomatsch abgeschlosse worde.



Dr Erlees duet in däm Joor aber nid s Fasnachts-zvierikässeli äufne, sondern wird fir dr Apéro am Fasnachtsbummel ygsetzt.

Duume

Iebig und Wienachtsässe vom 16. Dezämber 2016

Scho fascht dradizionell hämmer au in däm Joor wider zerscht e verkürzti gmeinsami Iebig ghaa, und noch de Nüni het d Källerkommission wider e super Wienachtsässe (Schwyyns-Lummel im Daig mit Mischgmies und Ryys und zem Dessert Panettone) serviert. S Ässen und Dringgen am ganzen Oobe isch au in däm Joor wider vo unserem Vortrübler und Fründ, Urs Hug, offeriert gsi. Der Obmaa het iim am speeteren Oobe noonem Ässe gebüürend danggt. An däre Stell au noonemooll e riisegrosses Danggscheen fir die nid sälbverständligi Grooszigigkait!

Duume

**Rundi Geburtsdääg vo Altgardischten im 1. Quartal:**

| | | | |
|------------------|----|------------|---------------|
| Keller Bernhard | 75 | 06.01.1942 | Freimitglied |
| Rüedi Paul | 70 | 23.01.1647 | |
| Widmer Jürg | 80 | 02.02.1937 | Ehrenmitglied |
| Waldmeier Dieter | 75 | 02.03.1942 | Freimitglied |
| Horni Paul | 75 | 05.03.1942 | Ehrenmitglied |

Mer wintschen alle Jubilare ze iirne runde Geburtsdääg alles Gueti, Xundheit, no vyyl scheeni Fasnachte und Zyt mit iire Glyggekamerädli.

Duume

Am 26. Januar isch unsere frienere Vorträbler und Frind, dr Rolf Häring, im 75. Altersjoor gstorbe. Dr Rolf isch 1990 in die Alti Garden ydrätte und het im Vordrab au ei Joor Fasnacht gmacht bis är uss gsundheitlige Grind wider het miessen uffgää. Är het aber dernoo mängs Joor bi den Uffbaute gholfe und het vor allem immer wider kenne Zuebehör beschaffe, wo me nid so aifach uff em Märt findet.

Fir mii und sicher au fir anderi Stainlemer unvergässlig isch aber dä Summerplausch, wo dr Rolf vor vyle Joor z Aesch in dr Klus mitorganisiert het, wo mer vo Alphorn-Blöser empfangen worde sinn, bevor mer denn am notabene heisseschte Daag vom Joor e feyns Kääs-Fondü g ässe hänn!

Mer wärde dr Rolf wyters allewyl in bester Erinnerig bhalte.

Duume

Fasnachtsgesellschaft Alti Stainlemer 1912



ATELIER BAJASS

AG

**Fasnachtsatelier fir alles
was fir d'Fasnacht bruucht wird.**

Heidi und Hans Ledermann, Bläsiring 107,
4057 Basel, Tel. 061/692 14 14, Fax 061/692 18 20
Postadresse: Postfach, 4007 Basel



Larve
Goschdym
Stoff
Naije
Modeschmugg
Dekoration

Giggernillis
Zoggeli
Gschänggli
Scherzartiggel
Tombola
und vyl vyl meh



Kumm go luege.

Effnigszyte: Di-Fr 15.00-18.00, Sa 14.00-16.30



061 444 44 44

TAXIPHON



Ihr Taxi für alle Fälle

Zum Schluss git s e Portion erschti Kommentär zum Drummeli (vo dr **Tageswoche**, **BZ Basel** und **Barfi.ch**) wo mir jo in däm Joor wieder derbii gsi sinn. Kei Wunder, sinn d Meinige gegenüber em letschte Joor um Wälte besser ;-) Mehr zum Drummeli git s in dr nэггschte Nummer und uf www.stainlemer.ch!

Ich wünsch allne Läser e grandiosi, bäumigi, unvergässligi, schönwättrigi und sicheri FASNACHT!

Eure Redaggder

Wie man sich aus dem gewohnten Repertoire einen Sport machen kann, zeigen die «Alte Stainlemer». Sie spielen jeweils die ersten Verse eines Marsches. Diese werden live ausgelost – und nur der Tambourmajor bekommt die Projektion davon auf der Leinwand zu sehen. Blitzschnell muss die Clique also auf ein Zeichen vom einen zum anderen Marsch hüpfen.

Doch widmen wir uns zuerst dem Herzen der Show. Musikalisch gibt es einige Top-Auftritte. Die «Alte Stainlemer» überzeugen nebst ihren Trommelkünsten mit der Idee, das Publikum auslosen zu lassen, was sie spielen sollen.]

Nun kommen **die Alte**

Stainlemer, wie immer haben sie eine ausgefallene Idee mitgebracht. Sie spielen ausschliesslich erste Verse von Märschen, Leute aus dem Publikum ziehen, während die Nummer läuft, Lose, die entscheiden, welcher Marsch als nächster drankommt. Nur der Tambourmajor sieht, was gezogen wird, das Spiel muss sich ausschliesslich nach seinen Ansagen richten. Eine Herausforderung, die bravourös gemeistert wird.

Redaggtionsschluss „dr Stainlemer“ 204:

21. April 2017

Marc Helfenstein | Äussere Baselstrasse 304 | 4125 Riehen
m.helfenstein@stainlemer.ch | 078 859 80 91

www.stainlemer.ch | www.jungi-stainlemer.ch | www.stainlemer-ag.ch